

餘干縣志卷十一

德信志

慈惠之長忠信之師居則民樂去則民思白雀來
集神虎潛馳三善著績二姜有為救荒奇策築隄
良規心清不滓耳鐵難移富教宜加先勞自持愷
悌君子邦家之基志名宦

晉

王宏大寧時令鼎建縣廳白氣貫天及武帝召為侍
從人以為瑞應云

餘干縣志

卷之十一

名宦

一

王大如字鉅夫陳陶人衍裔孫也高介不阿與陶潛
相友善晉義熙閒為廬江王內史宋祖裕惡之謫餘
干令興利除害得先後緩急之宜越二年裕殺之民
懷其德為立祠

梁

鄭弁字伯禮金華人大通時令豈弟愛民時廳事燬
弁以水旱頻仍粗為脩復不煩重科役民咸德之

唐

顧錫貞觀時令多惠政獲瑞鸛

通志作鶴

赤羽

通志一作一

白



羽一

李德裕字文饒吉甫子也興元中由館陶丞遷令餘
干軫念民瘼專意教養四年閉野無遺地絃誦比屋
政治為江東最陞袁州別駕參明一
統志

按唐書李德裕傳以蔭補校書郎名拜監察御史
穆宗即位擢翰林學士歷官始末不載館陶丞遷

餘干令通志

吳彥字俊之睦州人咸通時為餘干縣丞有才而訥
始至人以愚目之無何懲貪吏平冤獄境內肅然明
餘干縣志 卷之十一 名宦 二
年有嘉禾之瑞

南唐

高通志
作高拯字淑濟歙州人保大時令當喪亂後居民
凋敝科役繁重民不堪命為貸私錢若干萬緡每鄉
責二人行商取息以資公用民賴以蘇耕桑無廢壤
去後民感之立去思碑

宋

吳在木青州人咸平時知縣識敏善斷嘗曰欲治其
外先治其內甫蒞政廉其曹司二人貼司二人鄉司

十一人副司十八人貪墨者榜出之又曰牧民猶牧羊也除其敗羣者刑先豪強一縣肅治時靖亂未久田野多蕪不二年桑禾被四郊有白雀青鹿之瑞民歌曰吳在木政嚴肅惡者憂羈囚善者樂化育烏有白翎雀獸有青毛鹿不見大聲急走人昔之屢空今皆足寇準薦其賢官至尚書

參通志

江樸字匠師嘉祐時由進士知縣事初徙學宮於南隅重建養濟院收養癯獨其治禮士愛民時嘉稱之黃庭堅字魯直分寧人治平閣主簿時海內寧謐自餘干縣志

卷之十一

名宦

三

姓殷富公退每與李晉虞韶章景數人論禮樂賦咏詩歌不變風俗井里藹然

吳與字可權漳州人有學識元符閣知縣蒞官三月決囂獄八直冤獄二建學宮修公廨養士任材遠近悅服暇則與儒士廖正一章公輔以詩歌倡和劉正夫稱其愛民如子弟護士如元氣決訟如神明大觀初除監察御史

參通志

杜師旦紹興間知縣初至奉行經界事召父老有材德者議田分六等租以五升為率且囑父老曰勿回

勢勿徇私一主乎公既成民咸稱善後以內艱歸爲
時孝通易其法

參通志

趙彥端字德莊宋宗室登紹興進士知縣事剛介不
屈爲政四年以利民爲本民稱趙母因家東隅尋爲
江東運副制賑饑之法嚴不舉子之令後歷太常少
卿自號介菴居士有文集若干卷謝諤爲之序

沈度字公雅紹興間知餘干政有三善田無廢土市
無閑居獄無宿繫民謳歌之

三善堂見古蹟

馬光祖金華人寶祐間由進士調新喻簿已有能名

餘干縣志

卷之十一

名宦

四

改知餘干時水旱相仍災疫大作旱則齊誠祈禱水
則隨地撫慰疾則製藥逐人治療三日一親往視勸
有粟者賑糶又以公錢轉糶設粥食飢累請乞蠲糧
稅上允又作義阡葬遺骸凡爲政寬猛適宜事存大
體尤愛賢士禮高年去後民思之立祠監碑官至參
知政事諡莊敏

徐珏字叔寶上饒人寶祐時知縣嘗聽訟有歌者黃
丑丑其夫余付外出與胡二夜飲醉付歸見以刃刺
丑腹明日愬胡殺丑珏曰是誣也鞫胡胡伏辜珏曰

是誣也再讞得其情胡竟不枉死同付皆答決有謁
玨者曰余付白丑遭胡殺君曰誣胡伏辜君又曰誣
何見之明惜不正其罪也玨曰夫理有一無二何言
之膠也丑與胡夜飲付怒不使之知是姦所獲也胡
與夜飲是宿妓也法論罪在不應是以答之人服其
明斷玨爲政多類此

羅必元字亨父

一云名谷
字必原

進賢人咸淳閒由進士爲

餘干知縣時有史氏答婢六奴奴逃父家父藏之殺
丐女子衣六奴衣投井中後舉屍誣史氏必元疑之
餘干縣志

卷之十一

名宦

五

廉得六奴釋史氏寃以奴父抵丐女命又有卜者被
賊謀死其魂以狀告必元怪而逐之次日復至狀無
字照之有詩云白雲分兩片秋月正揚輝惆悵江頭
暮無船不可歸必元曰此必周準姓段名明者殺之
捕得其人服罪改判贛州後官至寶章閣兼宗學博
士必元常從危正包遜學最爲有淵源見理甚明風

節甚高

參宋史

元

竇汝舟曹州人大德閒知州有操守愛民重士退輒

治圃所食惟蔬菜門無私謁

趙趾字伯麟汴梁人延祐時知州禮士愛民凡詞訟織婦人者不受受則勾帖不及質成令子姪代供款時稱豈第君子

烏樞字季言河陽人至正時知州嚴明廉幹抑強扶弱興廢舉墜簡訟均賦得士民心居六年淮兵破餘于挾印詣江浙行省請兵復州治未幾再破退保港西凡二年制授中順大夫饒州路總管時陳友諒入江西樞還安樂鄉麻田寺居九年卒里士洪復祖與餘干縣志

卷之十一 名宦

六

僧辯以禮葬之

方南一貴溪人延祐儒學教授以舉遺逸出仕爲人耿介學問博瞻重修文廟門廡庖廩俱備作教授廳嘗攝州事人服其公居八年陞婺源州判官致仕李桓字晉仲金陵人至順閒儒學教授有行能文恪謹祀事閒居飭冠帶誦經史士之遊者眾秩滿致仕

明

畢福洪武初知縣有惠政

李寧字景安麻城人材敏而斷明初同知州事多善

政乙巳州民周雲勝以罪係獄勝黨劉朝瑞誘逃將
蕭明雷應霖自閩寇州復仇寧時督城役於饒聞警
赴京請兵會撫州總管金興旺建昌守禦官王溥討
平之寧以土兵捕餘黨之匿山澤者獲三百人正其
罪軍中皆嘉寧功靡然服焉江西接應軍至瑞洪肆
劫寧單騎止之有校士挾克復功驅民入伍因漁財
以良馬賄寧寧不答卽擒殺其尤者則又凜然懼不
敢犯寧法民用大安丙午德化北鄉各都大水決圩
塍饑寧移粟修築三十餘里陶安知饒州以爲才器
餘干縣志

卷之十一

名宦

七

之謂能愛民可任使寧性疎放而敬士尙友旣去民
懷其德繪琵琶明月圖贈之邑人曹達中叙其清爲
之記

馮允華陰人洪武初監察御史左遷餘干知縣性澹
泊政令嚴明民懷吏畏去之日惟琴書數卷百姓謹
曰三年清百事成又一統志載允訪民隱戢吏奸政
治嚴明舊囚逸者數人部檄縣捕甚急至械其親識
允至釋之佯爲不理密遣人察之得於土窖中有被
盜殺者子以疑似告逮捕無辜三十餘人允齊沐禱

神果得殺者

胡儼字若思南昌人中洪武丁卯鄉試授華亭教諭
改長垣上疏乞便養親改餘干學優文贍律已正人
以師道自任秩滿陞桐城知縣擢翰林檢討入內閣
官至國子監祭酒晉太子賓客

胡慎正統時知縣清慎不苟取

雷鑑正統時主簿性清介却部糧之常規忤弼璫而
不顧在下吏尤難

朱思通衡州府人景泰時知縣爲人清介有門榜云

餘干縣志

卷之十一

名宦

八

管百姓須愛百姓要一文不值一文其爲政一如所
言民閔汲水者常相顧謂此水之清可比朱公

邵崑浙江桐廬人天順閒知縣去奸吏振士風定差
役除宿弊時十九都多虎崑自責禱神虎相繼去己
卯夏久不雨崑竭誠虔禱三日雨如注秩滿陞撫州
府同知

王倬崑山進士成化時知縣精於吏治總理無遺官
至兵部侍郎

左濬字希哲寧德舉人成化時分教慎表儀端士習

黃忝莆田人宏治閒分教端矩度勤訓迪士心胥服
徐冠字士元涇縣舉人正德初知縣時姚源賊勢方
熾征勦藩臬諸道邊達官督府總戎暨諸猺獠駐縣
日費不可指計冠調度周悉民無煩擾擢監察御史
葉蕩福建人正德閒知縣當兵荒後百務節省歷任
未久以清慎著

謝汝儀字國正浙江鄞縣進士正德十年知縣時盜
賊甫平瘡痍未起里甲流移不供賦役儀均差徭薄
稅歛綏懷有道民皆來歸丁外艱去後擢監察御史

餘干縣志

卷之十一

名宦

九

孫天祐衛水人正德閒任龍津驛丞宸濠叛攻南康
九江陷之官守遁走其黨宸謹熊永受領兵分掠截
運七殿下以數舸至龍津眾恐逃去天祐不可率運
兵與戰殺數人賊懼還又追殺其募兵還過龍津者
三十人焚其舟賊黨婁氏家眾西下亦爲天祐所遏
擒七十餘人賊兵不敢經湖東者天祐之力也參通志
吳鎧武陵人正德時以知縣改餘干教諭行誼方介
軫念寒士以疾致仕諸生惜之

馬津字宗孔徐

通志作涇

州進士正德十三年知縣悃悞

無華崇儒重道時宸濠亂奸徒橫肆殺掠津協謀士
民倡義勵兵以遏水陸之衝濠黨婁氏輩遂不敢東
下總制論功以津居第一擢監察御史

石簡字廉伯浙江臨海進士嘉靖三年知縣立法嚴
明敷政清肅以文章飭吏治遷學東山南隅水道淤
塞簡捐俸率僚屬及諸生買民田鑿之功未就陞主
事行李肅然士民德之官至副都御史

周振字仲玉武進舉人嘉靖七年知縣多實政時水
旱頻仍振隨戶賑給嘗苦霖雨步禱出郊雨自止又
餘干縣志 卷之十一 名宦 十
開新河民壯五百人領值傭工功未就守司追其值
多貧不能償者振白報罷廳事前槐木枯死三年復
茂人以爲德感

劉安浙江慈谿進士嘉靖七年以御史左遷典史器
度從容議論純粹與諸生讐校文藝終日不倦南堤
屢修不就相度築之至今依賴人稱爲劉公隄陞元
城知縣官至參政

葛豫字志行無錫舉人嘉靖十一年知縣性明敏尤
重讀書校士品第甚精舊時科舉五十人自乙酉減

十九人至是豫白督學李公復舊額士人迄今思之
馮汝弼字惟良浙江平湖進士嘉靖辛丑以司諫左
遷知縣下車詢邑利害亟爲興革如攢造清縣虛米
四百石洗剔積弊黠胥不敢爲奸持法藩封省供億
培養人才校正朝祭儀節改玉山樓藏板籍諸善政
至今誦之一年擢太倉守
李節棗陽人嘉靖閔由歲貢爲縣丞性耿介尙氣節
以清苦自甘不阿媚權要

姜廷頤字以正湖廣巴陵進士嘉靖乙巳知縣廉明
餘干縣志

卷之十一

名宦

士

仁恕斥繁縟崇節儉公出不以坊里自隨餽送循常
度不因人增益稅糧令自封兌不責以羨餘民爭趨
完納一時積弊革除殆盡四年閒民無夜驚以擢御
史去庚申以藩參旬宣本縣老稚爭先快覩焉官至
兵部尙書

參通志

陰秉陽河南汲縣進士嘉靖己酉知縣性沉靜真實
有古人風日所爲夜必劄記嘗欲爲民請免越站苦
役以內艱去未究厥施

陸鳳儀浙江蘭谿進士嘉靖丁巳知縣遏豪旌善禁

除猾胥復學宮於東湖校士拔其穎異者給饌聯藝親爲評閱革錢糧火耗酌量貧富以均徭役諸郡邑訟獄不決者監司多以屬儀時過鄱湖遇盜諭以理法盜感歸命戊午督學試諸郡士萬餘卷屬儀閱未浹旬品第甚當內召給事中士民歌之有感化集及碑文

鄭繼之湖廣襄陽進士嘉靖丙寅知縣端靜寡言慎然諾不尙聲華不悅人以非禮每出無里役隨行服食甘淡薄如寒素詞訟不下房科納銀令自封兌批

餘干縣志

卷之十一

名宦

三

委供擬親自裁奪差銀歲派親爲會計夫馬親撥不假手胥役小粟不輕出必親用硃書計日還繳左右不敢一言搖惑人稱鐵耳時條法新行立則編派輕重適均陞主事行李蕭然萬民遮留

沈應徵嘉定舉人嘉靖初教諭獎誘後學士咸敬慕開河建學皆與成勞陞懷安知縣

李世浩福建平和人學優行潔與諸生講學外習冠儀講昏祭禮諭禁禱謁俗惑捐俸倡率開河天冠寺廢田并港畔餘田白邑令以資課費在任五年陞寧

波府教授

郭智福建晉江人嘉靖甲午教諭器度深沉文學優
贍及門諸士多所造就陞徽州府教授

楊格福建連江人嘉靖甲午訓導襟度軒豁氣節豪
邁尤長於詩士類咸服陞曲阜教諭

馬從學湖廣襄陽人嘉靖時典史有守有才盜息民
安以病休士民惜之

劉作沛廣西平樂人以鄱縣知縣改江西都司都事
萬歷己卯署縣事簡靜不擾不輕出一票追呼民安

餘干縣志

卷之十一

名宦

三

之

萬之翼饒州同知萬歷戊子四月霪雨圩堤廬舍盡
漂泊男子溺死無算斗米錢三百疫大作飢民計無
復之聚眾搶奪時之翼視篆餘干開倉廩搜庫藏糴
入糶出發賑請蠲設局施藥瘞埋道殣民用少蘇屢
作詩歌以諭饑民歌曰好勸吾民度此荒須知忍耐
過時光兩殮均作三殮食一日分爲二日糧客至且
將茶當酒家貧莫厭食多糠等閒捱脫饑荒去轉眼
東郊麥已黃

張可大舉人饒州府督糧通判萬歷癸卯視篆餘干以文章飭吏治清介端嚴未及期四境安輯榜其門曰汝地有一日閒則耕飽煖真爲可樂此門無十分屈莫入刑罰毫不容私

張廷熙廣西桂林舉人萬歷時知縣堂廉清肅賦無煩科獄少寃抑民安之

姜應麟四明人

通志作鄞縣

萬歷進士以庶吉士給事中

左遷餘干爲政均賦稅伸寃抑鋤豪猾修馬政築圩堤禮者碩禁溺女以疾辭任士民競保畱之制府問餘干縣志

卷之十一

名宦

古

曰此姜令何如姜廷頤諸生對曰前姜通神明後姜去穢惡

楊紹忠湖廣雲夢進士萬歷時知縣蒞治三載刑簡政清士民愛服

蘇萬姓湖廣舉人萬歷時知縣時水旱洊至民間絕食萬姓捐帑勸糶屢請改折民賴以蘇蠲火耗培士氣革奸胥旌善人清寃獄禁溺女其爲政類如此

許時省浙江舉人萬歷時知縣清淨寡欲吏畏民懷邵琦例貢萬歷丁巳縣丞時水災異常琦具詳道司

有云陳澎湃之洪波懷襄再見訴流離之苦楚安輯
莫施情詞剴切當道動色發賑士民至今稱之

陳翔鸞福建侯官經魁萬歷時教諭學富才優儀刑
多士月課不違

張株吉安人萬歷時訓導行芳志潔簡牘不入於縣
勤課勉多士士永懷之

曾世臣豐城舉人萬歷癸丑教諭文行足師接見諸
生講課無倦

王如春黃巖進士天啓時知縣值洪水汎濫蕩廬屋

餘干縣志

卷之十一

名宦

十五

壞圩堤民鮮粒食如春出資賑濟上請減徵改折復
捐贖備椿築堤自龍津至壩口靛窟數十里單騎督
工旣成民稱爲王公萬年堤縣堂久圯捐俸增新之
民願以酒肉犒工者悉不受堂成榜之曰做官愛半
文錢不值半文錢鬼責人非可畏爲民畱一分福便
受一分福催科撫字宜兼去日民遮道號泣如失父
母

國朝

張其郁山西垣曲人順治三年知縣時土寇四起多

方招撫凡株連訐告者概置不問援兵桀驁痛懲以法繫執子女在營立檄還之寇亦多感泣投戈又值奇荒捐米施粥未及期因赴任過限罷去民至今思之

謝賓王臨淄進士順治四年知縣甫抵任值奇荒日

遣家丁招商採米仍捐貲施粥因五年正月金聲桓

叛去任

舊志官師表

甯纘宗太原貢生順治九年知縣勤於吏事釐剔姦

弊立編戶設滾單差役不擾訟不徇情

同上

餘干縣志

卷之十一

名宦

十六

劉毓安玉田進士順治十五年知縣除惡安良十六年賊首余之任謝天錫等乘海寇猖獗聚眾為亂安

計約康山營擒之

同上

江南齡字度遠浙江開化人戊戌進士康熙八年知縣廉靜清慎捐俸鼎建聖宮置祭器邑舊有東山書院為朱文公講學地歲久傾圮特建以開來學會課文藝句斟字砭累歲寒暑不輟縣志曠八十餘年未修簿書暇手為釐定在任十一年課士卹民所建皆不朽業陞山西太原同知去之日行李蕭然所攜惟

圖書數十卷而已士民攀卧遮道送至饒城涕泣不忍去

何維城字亨侯順天武清籍康熙十四年七月由鄱陽縣丞署縣事時閩寇入境荼毒生靈除索餉外擇民之稍殷者逼勒領劄民無所遁恢復後多方招撫民得安堵在任六年寬猛得宜去後民共思之

管榆號青村武進人毘陵世宙少有詩名康熙丁卯知縣涖餘五載剔奸除弊賑饑修學善政甚多刻胡敬齋張古城集趙忠定墓爲土豪所侵清釐立禁自

餘干縣志

卷之十一

名宦

七

臺司以及鄉大夫交口以爲賢調任新昌治行如前陞刑部郎著有據梧詩集邵長蘅張希良宋犖爲之

序

張尙瑗銘銘并據梧詩集序

詹廣譽字涵川廣東海陽進士雍正十年任縣事博學善詩涖餘八載愛民重士會鄉試徵簾公直請諸監撫願與內簾監撫素重公如所請榜發所取皆知名士有村農甲乙對岸辱水甲暴卒其家訟乙於公鞠之不得其情乙遂誣服公疑焉微訪甲暴卒處遇牧童語之故詢所出則甲之外生也因白其寃乙得

不枉法其廉明類如此所著有干越集

張若崧桐城人中堂公子也乾隆閒爲餘丞性簡儉鐵面杜苞苴一錢不受有冤呼口愬立決嚴懲克惡每夜親巡賊匪至不閉戶見燈光聞小兒書聲則加獎其父兄常榜朱思通聯語於署云管百姓須愛百姓要一不值一文去後民思之立牌祀於廟

潘汝鳳號茗溪烏程人乾隆閒分縣瑞洪廉靜好讀書政暇招諸生童會課欵以酒食剴切講訓不倦師事者忘其爲官分也尤工書法求無弗與訟至以理餘干縣志

卷之十一 名宦

六

論之頃刻立判卒於署士民弔祭皆泣下

呂涵號容齋陝西南鄭舉人乾隆戊戌知縣才識明斷修學宮葺城垣杜乾沒會課延名宿訂純疵復親爲定其甲乙邑大旱祈雨疏云早賜甘霖願減十歲之壽翼日大雨民槁以蘇去時民不忍舍士農商各贈萬名衣一襲并脫鞞以識永思改知福建惠安縣政績益懋惠人立祠祀之作科山記勒石

李鸞安徽當塗舉人乾隆辛丑由教授陞知縣廉靜豈弟帛冠布履政清刑簡民稱爲慈父母試士親爲

校閱人咸服其公明學使胡高望少所褒嘉獨於鸞
所首拔士稱為得人

明李亨曰尹吾邑如應棐之飭躬勵行禮士愛民
精於吏事秉公平曷縣丞如胡秉彝之恥諛宋偉
之自守學師如濮桂之流通取士鄧元卿之朴茂
不苟沈謙之文字立教林萬里之乾惕作範何峻
之惇實無妄駱彥羔之給士會文皆其表表者茲
以文獻無徵不得特書故附之

舊志